

განცხადება შესყიდვის ელექტრონული პროცედურის ჩატარების შესახებ

შესყიდვის ტიპი	ელექტრონული პროცედურა
შემსყიდველი	შპს „საქართველოს მელიორაცია“
დაფინანსების წყარო	2021 წლის სახელმწიფო ბიუჯეტი
პრეისკურანტის სავარაუდო ღირებულება	2'546'390.80 ლარი
შესყიდვის სავარაუდო ღირებულება	1'150'000 ლარი
სატენდერო წინადადება წარმოდგენილი უნდა იყოს	დღგ-ს გათვალისწინებით
სპეც.წესის მომსახურების კოდი - 2	
შეთავაზების ფასის კლების ბიჯი	0.4%

სპეც. ტექნიკის ტექნიკური მომსახურების

ელექტრონული პროცედურა

დოკუმენტაცია

პრეისკურანტის სავარაუდო ღირებულებაა **2'546'390.80 (ორი მილიონ ხუთასორმოცდაექვსი ათას სამასოთხმოცდაათი ლარი და 80 თეთრი)**
ლარი, დღგ-ს გათვალისწინებით

გამარჯვებულ პრეტენდენტთან ხელშეკრულება გაფორმდება **1'150'000.00 (ერთი მილიონ ასორმოცდაათი ათასი ლარი და 00 თეთრი)** ლარზე,
დღგ-ს გათვალისწინებით

სპეც.წესის მომსახურების კოდი - 2

დაფინანსების წყარო - 2021 წლის სახელმწიფო ბიუჯეტი

წინამდებარე დოკუმენტაცია შედგენილია 2020 წლის 6 აგვისტოს საქართველოს მთავრობის N485 დადგენილებით დამტკიცებული „შპს
„საქართველოს მელიორაციის“ მიერ საქონლისა და მომსახურების შესყიდვის სპეციალური წესის“ საფუძველზე.

ქ. თბილისი

2020 წ.

დოკუმენტაცია, პრეტენდენტის მიერ წარმოსადგენი წინადადება და მისი შესვლის წესი

1. დოკუმენტაცია

- 1.1 დოკუმენტაცია არის დოკუმენტთა პაკეტი, რომელიც შეიცავს სრულ ინფორმაციას შესყიდვის ობიექტის, პროცესის და შესყიდვის შესახებ ხელშეკრულების ძირითადი პირობების თაობაზე.
- 1.2 დოკუმენტაცია მოიცავს:
- 1.2.1 პრეისკურანტებს („ექსელის“ ფაილები) (დანართი №1).
 - 1.2.2 მომსახურების გაწევის ვადებსა და ადგილს (დანართი №2).
 - 1.2.3 მომსახურების მიღების წესს, ანგარიშსწორების პირობებს და ვადებს (დანართი №3).
 - 1.2.4 ტექნიკურ პირობებს და საგარანტიო ვადებს (დანართი №4).
 - 1.2.5 ვულკანიზაციებისა და სერვისცენტრების ლოკაციის ადგილებს (დანართი №5)
 - 1.2.6 დამატებითი პირობებს.
 - 1.2.7 შესყიდვის შესახებ ხელშეკრულების ფორმას (ხელშეკრულების პირობები დაზუსტდება გამარჯვებულ პრეტენდენტთან).
- 1.3 მონაწილე პრეტენდენტის წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია, შედგენილ უნდა იყოს ქართულ ენაზე (თუ დოკუმენტაციით სხვა რამ არ არის გათვალისწინებული).

2. პრეტენდენტის მიერ წარმოსადგენი წინადადება და დოკუმენტაცია

2.1 პრეტენდენტის წინადადება უნდა შეიცავდეს შემდეგ ინფორმაციას/დოკუმენტაციას:

- 2.1.1 პრეისკურანტებს („ექსელის“ ფაილები) (დანართი №1);
- 2.1.2 თანხმობას დოკუმენტაციით გათვალისწინებულ მომსახურების გაწევის ვადებზე და ადგილზე (დანართი №2);
- 2.1.3 თანხმობას დოკუმენტაციით გათვალისწინებულ მომსახურების მიღების წესზე, ანგარიშსწორების პირობაზე და ვადებზე (დანართი №3)
- 2.1.4 ტექნიკურ პირობებს და საგარანტიო ვადებს (დანართი №4);
- 2.1.5 ვულკანიზაციებისა და სერვისცენტრების ლოკაციის ადგილებს (დანართი №5);
- 2.1.6 „დამატებითი პირობების“ შესაბამისად გამოცდილების დამადასტურებელი დოკუმენტაცია/ინფორმაცია;
- 2.1.7 „დამატებითი პირობების“ შესაბამისად ვულკანიზაციებისა და სერვის ცენტრების შესახებ დოკუმენტაცია/ინფორმაცია;
- 2.1.8 წინადადების უზრუნველყოფის 1%-იანი გარანტია.

წინადადების უზრუნველყოფის 1%-იანი გარანტია (წინადადების უზრუნველყოფის გარანტია – წინადადების უზრუნველყოფის მიზნით, პრეტენდენტის მიერ შემსყიდველისათვის წარდგენილი გარანტირების მექანიზმი, შესყიდვის ობიექტის სავარაუდო ღირებულების 1%-ის ოდენობით, ხოლო პრეისკურანტის საფუძველზე შესყიდვის შემთხვევაში – სახელშეკრულებო ღირებულების 1%-ის ოდენობით):

- პრეტენდენტი ვალდებულია, ტექნიკურ დოკუმენტაციასთან ერთად წარადგინოს წინადადების უზრუნველყოფის გარანტია ერთ-ერთი ქვემოთ მითითებული წესითა და ფორმით:

- ა) პროცედურის პირობებით განსაზღვრულ საბანკო ანგარიშზე (ა/აGE36TB7484734030100006; ს.ს. “თიბისი ბანკი”; ბანკის კოდი: TBCBGE22; მიმღების სახელი შპს საქართველოს მელიორაცია) თანხის გადახდითა და აღნიშნულის დამადასტურებელი ქვითრის ტექნიკურ დოკუმენტაციასთან ერთად წარდგენილი;

- ბ) საბანკო გარანტიით, რომელიც წარდგენილი უნდა იყოს საქართველოს კანონმდებლობის შესაბამისად ლიცენზირებული საბანკო/სადაზღვევო დაწესებულებიდან.

- წინადადების უზრუნველყოფის გარანტიის ბენეფიციარია შემსყიდველი.

- წინადადების უზრუნველყოფის გარანტია დაბრუნებას ექვემდებარება შესაბამისი ხელშეკრულების დადების ან შესყიდვის ელექტრონული პროცედურის უარყოფითი შედეგით დასრულების ან შეწყვეტის შემთხვევაში, პრეტენდენტის/მიმწოდებლის შესაბამისი მოთხოვნიდან 10 (ათი) სამუშაო დღის განმავლობაში.

- წინადადების უზრუნველყოფის გარანტიის დაბრუნების მოთხოვნა წარდგენილ უნდა იქნეს შესაბამისი ხელშეკრულების დადებიდან ან შესყიდვის ელექტრონული პროცედურის უარყოფითი შედეგით დასრულებიდან ან შეწყვეტიდან 3 (სამი) თვის განმავლობაში. აღნიშნული ვადის გასვლის შემდეგ წინადადების უზრუნველყოფის გარანტია არ ექვემდებარება დაბრუნებას და წარმოადგენს შემსყიდველის შემოსავალს.

- პრეტენდენტის მიერ წარდგენილი წინადადების უზრუნველყოფის გარანტია არ ექვემდებარება დაბრუნებას, თუ შესაბამისი პრეტენდენტის დისკვალიფიკაცია განხორციელდა საქართველოს მთავრობის 2020 წლის 6 აგვისტოს „შპს „საქართველოს მელიორაციის“ საქონლისა და მომსახურების შესყიდვების სპეციალური წესის დამტკიცების შესახებ“ N485 დადგენილების მე-13 მუხლის პირველი პუნქტის „ა“ ან „ვ“ ქვეპუნქტის საფუძველზე („ა“ იგი უარს იტყვის წინადადებაზე ან სხვაგვარად გამოხატავს უარს ხელშეკრულების დადებაზე; „ვ“ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“).

- საბანკო გარანტიის წარმოდგენის შემთხვევაში სატენდერო წინადადების უზრუნველყოფის გარანტიის ვადა განისაზღვრება წინადადების წარდგენიდან არანაკლებ 160 კალენდარული დღის ვადით.

- იმ შემთხვევაში, თუ პრეტენდენტს წინადადების ვადის დასრულების დროისთვის არ ექნება მოთხოვნათა სრული დაცვით წარდგენილი წინადადების უზრუნველყოფის გარანტია, პრეტენდენტის შეთავაზება არ განიხილება და კომისიას შეუძლია, მიმართოს წინადადების ყველაზე დაბალი ფასის მქონე მომდევნო პრეტენდენტს.

2.2 2.1 პუნქტით გათვალისწინებული ყველა ინფორმაცია და დოკუმენტაცია ერთიანობაში წარმოადგენს პრეტენდენტის წინადადებას, რომელიც უნდა აიტვირთოს სახელმწიფო შესყიდვების ერთიან ელექტრონულ სისტემაში პრეტენდენტის მიერ წინადადების შეთავაზებისას.

2.3 პრეტენდენტს უფლება აქვს წარმოადგინოს მხოლოდ ერთი წინადადება.

2.4 წინადადების საერთო და ერთეულის ფასი გამოსახულ უნდა იყოს ყველა ხარჯის გათვალისწინებით, როგორიცაა: საქართველოს კანონმდებლობით დადგენილი გადასახადები, თუ მოსაკრებლები (მათ შორის დღგ).

2.5 წინადადების საერთო და თითოეული ერთეულის ფასის წარმოდგენა დასაშვებია მხოლოდ ეროვნულ ვალუტაში - ლარი.

3. პრეტენდენტის მიერ წარმოდგენილი წინადადების შევსების წესი

3.1 ავტოსატრანსპორტო საშუალებების პრეისკურანტი (დანართი N1)

- დანართი N1-ში იწერება თითოეული შესყიდვის ობიექტის (მომსახურება და საქონელი) ერთეულის ღირებულება და მათი ჯამი.
- დაუშვებელია დანართი N1-ში სხვა რაიმე პუნქტის, ველისა და ა.შ. დამატება.

3.2 თანხმობა დოკუმენტაციით გათვალისწინებულ მომსახურების გაწევის ვადებზე და ადგილზე (დანართი N2).

- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.

3.3 თანხმობა დოკუმენტაციით გათვალისწინებულ მომსახურების მიღების წესზე, ანგარიშსწორების პირობაზე და ვადებზე (დანართი N3),

- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.
- პრეტენდენტის მიერ წარმოდგენილი, განსხვავებული ანგარიშსწორების პირობა და ვადა უნდა აკმაყოფილებდეს დოკუმენტაციით განსაზღვრული ანგარიშსწორების პირობებისა და ვადების მინიმალურ მოთხოვნებს.

3.4 ტექნიკური პირობების და საგარანტიო ვადებს (დანართი N4);

- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.

3.5 ვულკანიზაციებისა და სერვისცენტრების ლოკაციის ადგილების ცხრილის ფორმა (დანართი N5)

- დანართი N5-ში იწერება - ვულკანიზაციებისა და სერვისცენტრების მდებარეობის სრული მისამართი, რაოდენობა და საკუთრების ფორმა.
- პასუხისმგებელი პირი აღნიშნულ ელექტრონულ დოკუმენტზე ასრულებს კვალიფიციურ ელექტრონული ხელმოწერას ან/და ამ დოკუმენტს ამოწმებს კვალიფიციური ელექტრონული შტამპით საქართველოს კანონმდებლობის შესაბამისად.

3.6 ხელშეკრულების შესრულების უზრუნველყოფის გარანტია:

3.6.1 ტენდერში გამოიყენება ხელშეკრულების შესრულების უზრუნველყოფის მექანიზმი 5%-ის ოდენობით, რომელიც გაცემული უნდა იყოს საქართველოს კანონმდებლობის შესაბამისად საბანკო ან სადაზღვევო დაწესებულებისაგან.

3.6.2 ხელშეკრულების უზრუნველყოფის საბანკო გარანტია პრეტენდენტის მიერ წარმოდგენილი უნდა იყოს ხელშეკრულების გაფორმებამდე, რომლის მოქმედების ვადა, არანაკლებ 30 კალენდარული დღით უნდა აღემატებოდეს ხელშეკრულების მოქმედების ვადას.

3.7 თუ პრეისკურანტში ერთეულის ფასები გამოსახული იქნება მრავალნიშნა ათწილადად, აღნიშნული ფასები დამრგვალდება კლებადობის პრინციპით მესამედამდე.

შენიშვნა:

იმ შემთხვევაში, თუ ერთიან ელექტრონულ სისტემაში, პრეტენდენტის პროფილის ველში არ არის სრულად მითითებული რეკვიზიტები, პრეტენდენტმა წინადადების წარმოდგენისას ზემოაღნიშნულ დანართებთან ერთად უნდა ატვირთოს პრეტენდენტის რეკვიზიტები, რომელიც მოიცავს შემდეგ ინფორმაციას: პრეტენდენტის დასახელებას, იურიდიულ მისამართს, ტელეფონს/ფაქსს, საბანკო რეკვიზიტებს, ხელმძღვანელის სახელს, გვარს;

2019 წლის 1 იანვრიდან, შემსყიდველი ორგანიზაციები და შესყიდვებში მონაწილეობის მსურველები/პრეტენდენტები/მიმწოდებლები „ელექტრონული დოკუმენტისა და ელექტრონული სანდო მომსახურების შესახებ“ საქართველოს კანონის მე-3 მუხლის მე-3 და მე-4 პუნქტების საფუძველზე ვალდებული არიან, სახელმწიფო შესყიდვებში ერთიან ელექტრონულ სისტემაში ასატივრო, მის მიერ შექმნილ, ელექტრონულ დოკუმენტებზე შეასრულონ კვალიფიციური ელექტრონული ხელმოწერა ან/და ეს დოკუმენტები დაამოწმონ კვალიფიციური ელექტრონული შტამპით, გარდა საქართველოს კანონმდებლობით გათვალისწინებული შემთხვევებისა (იხილეთ სახელმძღვანელო ინსტრუქცია).

იმ შემთხვევაში, როდესაც შემსყიდველი ორგანიზაცია ითხოვს სატენდერო წინადადების დანართი დოკუმენტების, რომლებიც გაცემულია მესამე პირის მიერ ან რომელზეც მიმწოდებლის გარდა შესრულებულია სხვა პირის ხელმოწერა, დამოწმებული ასლების ატვირთვას, ასეთი დოკუმენტის ელექტრონულ ვერსიაზე საჭიროა მისი ხელმოწერი პირ(ებ)ის კვალიფიციური ხელმოწერა ან/და კვალიფიციური შტამპი. თუ ამა თუ იმ მიზეზის გამო ასეთი ელექტრონული დოკუმენტი ვერ მოწმდება შესაბამისი პირის კვალიფიციური ელექტრონული ხელმოწერით ან/და შტამპით, ამ შემთხვევაში, პრეტენდენტმა სისტემაში უნდა ატვირთოს მატერიალური დოკუმენტის სანოტარო წესით დამოწმებული ელექტრონული ასლი.

- პრეტენდენტს წინადადების დაზუსტების წარმოსადგენად (ასეთის არსებობის შემთხვევაში) განესაზღვრება არაუმეტეს 3 სამუშაო დღე.
- დამატებითი ინფორმაციისათვის მიმართეთ კომისიის აპარატის წევრს ნათია გვრიტიშვილი 577 96 48 48.

დამატებითი პირობები

1. პრეტენდენტის გამოცდილება აღნიშნულ სფეროში უნდა შეადგენდეს 2019 წლის 1 იანვრიდან ტენდერის გამოცხადების დღემდე, საერთო თანხით არანაკლებ 500'000 ლარის ოდენობით, რისთვისაც პრეტენდენტის მიერ წარმოდგენილი უნდა იქნეს შესაბამისი დამადასტურებელი დოკუმენტაცია. კერძოდ: ხელშეკრულებები და მიღება-ჩაბარების აქტები, ასევე დადასტურებული ანგარიშგაქტურები. იმ შემთხვევაში, თუ მომსახურება გაწეულია სახელმწიფო შესყიდვის ფარგლებში და ყველა შესაბამისი ინფორმაცია ატვირთულია სახელმწიფო შესყიდვის ეროტიან ელექტრონულ სისტემაში, ზემოაღნიშნული დოკუმენტების ნაცვლად შესაძლებელია წარმოდგენილ იქნას სახელმწიფო შესყიდვის შესაბამისი ნომერი (SPA, NAT, CMR და სხვ). გამოცდილების დასადასტურებლად შპს „საქართველოს მელორაციასთან“ გაფორმებული ხელშეკრულებებისა და მიღება-ჩაბარების აქტების, ასევე დადასტურებული ანგარიშგაქტურების წარმოდგენა სავალდებულო არ არის, ამ შემთხვევაში პრეტენდენტმა უნდა მიუთითოს წყარო (შესყიდვის ტიპი: SPA, NAT, GEO, ხელშეკრულების შესახებ ინფორმაცია და ა.შ.), სადაც შესაძლებელი იქნება შესაბამისი ინფორმაციის მოძიება.
2. პრეტენდენტის გამოცდილებად ჩაითვლება ანალოგიური საქმიანობა შემდეგი სახეობის სპეც-ტექნიკაზე: ექსკავატორი, ბულდოზერი, სატვირთო ავტომანქანა და მათი ჰიდრავლიკური სისტემები.
3. პრეტენდენტის მიერ წარმოდგენილ გამოცდილების დამადასტურებელ დოკუმენტებში უნდა იკვეთებოდეს ყველა ჩამოთვლილი სახეობის სპეც-ტექნიკაზე მომსახურების გაწევის ფაქტი.
4. პრეტენდენტს ან მის ქვეკონტრაქტორებს უნდა გააჩნდეს საქართველოს მასშტაბით მოქმედი არანაკლებ 10 ვულკანიზაცია, რომელიც მოემსახურება მაღალი გამავლობის სატრანსპორტო საშუალებების (დანართი N1) ყველა ზომის საბურავს. აღნიშნული ვულკანიზაციები, განთავსებული უნდა იყოს ქვემოთ მითითებულ ლოკაციებზე, რომლის შესახებაც ინფორმაცია ატვირთული უნდა იქნეს ეროტიან ელექტრონულ სისტემაში (საკუთრებაში არსებული ვულკანიზაციების შემთხვევაში მისამართი და საკუთრების დამადასტურებელი დოკუმენტი, ხოლო ქვეკონტრაქტორების (ვულკანიზაციების დაქირავების შემთხვევაში) შემთხვევაში მისამართი და გაფორმებული ხელშეკრულებ(ებ)ა მოქმედების ვადით არანაკლებ 2021 წლის 31 დეკემბრისა - ამასთანავე ამ პუნქტის შესაბამისად წარმოდგენილი ხელშეკრულებ(ებ)ის გაფორმების თარიღი არ უნდა იყოს ამ ტენდერის სტატუსის „წინადადებების მიღება დასრულებულია“ შემდგომ).
5. **პრეტენდენტის მიერ აღნიშნული ინფორმაცია წარმოდგენილი უნდა იქნეს დანართი N5-ის შესაბამისად, რომელიც შემდგომში წარმოადგენს ხელშეკრულების განუყოფელ ნაწილს.**
6. ვულკანიზაციის ლოკაციის ადგილები:
 - სამეგრელო არანაკლებ 1 ვულკანიზაცია - ზუგდიდი და/ან ფოთი;
 - იმერეთი არანაკლებ 1 ვულკანიზაცია - ქუთაისი და/ან ბაღდათი და/ან ვანი.
 - კახეთი არანაკლებ 3 ვულკანიზაცია - 1) გურჯაანი; 2) ლაგოდეხი; 3) თელავი და/ან ყვარელი.
 - სამცხე-ჯავახეთი არანაკლებ 1 ვულკანიზაცია - ახალციხე და/ან ახალქალაქი;
 - შიდა ქართლი არანაკლებ 1 ვულკანიზაცია - გორი და/ან ქარელი
 - ქვემო ქართლი არანაკლებ 2 ვულკანიზაცია - 1) ბოლნისი; 2) დმანისი და/ან მარნეული.
 - თბილისი არანაკლებ 1 ვულკანიზაცია.ვულკანიზაციები განთავსებული უნდა იყოს ზემოთ მითითებულ ლოკაციებზე და/ან ამ ქალაქების მიმდებარე ტერიტორიაზე არაუმეტეს 10 კმ-ის რადიუსით.
7. საბურავების დაზიანების შემთხვევაში, საბურავის მიწოდებას ვულკანიზაციამდე უზრუნველყოფს შემსყიდველი.
8. პრეტენდენტს უნდა გააჩნდეს არანაკლებ 2 სპეციალიზირებული სერვისცენტრი დანართი N1 - ში მითითებული სპეცტექნიკის მომსახურებისათვის საქართველოს მასშტაბით, ერთი სერვისცენტრი დასავლეთ საქართველოში (ფოთი და/ან ზუგდიდი და/ან ვანი და/ან ბაღდათი და/ან ქუთაისი და/ან ამ ქალაქების მიმდებარე ტერიტორია არაუმეტეს 10 კმ-ის რადიუსით), ერთი სერვისცენტრი თბილისში და/ან თბილისიდან 50 კმ-ის რადიუსში, რომლის შესახებაც ინფორმაცია ატვირთული უნდა იქნეს ეროტიან ელექტრონულ სისტემაში (საკუთრებაში არსებული სერვისცენტრ(ებ)ის შემთხვევაში მისამართი და საკუთრების დამადასტურებელი დოკუმენტი, ხოლო ქვეკონტრაქტორ(ებ)ის შემთხვევაში მისამართი და ქვეკონტრაქტორ(ებ)თან გაფორმებული ხელშეკრულება მოქმედების ვადით არანაკლებ 2021 წლის 31 დეკემბრის ჩათვლით - ამასთანავე ხელშეკრულებ(ებ)ის გაფორმების თარიღი არ უნდა იყოს ამ ტენდერის სტატუსის „წინადადებების მიღება დასრულებულია“ შემდგომ).
9. **პრეტენდენტის მიერ აღნიშნული ინფორმაცია წარმოდგენილი უნდა იქნეს დანართი N5-ის შესაბამისად, რომელიც შემდგომში წარმოადგენს ხელშეკრულების განუყოფელ ნაწილს.**

დანართი N1 - იხილეთ დამატებით ატვირთული „ექსელის“ ფაილ(ებ)ი - პრეისკურანტები

მომსახურების გაწევის ვადები და ადგილი

1. მომსახურების გაწევის ვადა: ხელშეკრულების გაფორმებიდან 2021 წლის 31 დეკემბრის ჩათვლით.
2. გასაწევი მომსახურების დეტალური ვადები

	გასაწევი მომსახურების დასახელება	დეტალის შეცვლის პერიოდი
1	აგრეგატებზე	არაუმეტეს 30 სამუშაო დღისა.
2	დეტალებზე	არაუმეტეს 15 სამუშაო დღისა.
3	ცვეთად მასალებზე	არაუმეტეს 10 სამუშაო დღისა.
4	საბურავის დაზიანებაზე	საბურავის მიწოდებიდან არაუმეტეს 2 სამუშაო დღე. საბურავის მიწოდებას ვულკანიზაციამდე უზრუნველყოფს შემსყიდველი.

3. მომსახურების გაწევის ვადის ათვლა იწყება, ინვოისის წარმოდგენის შემდეგ, შემსყიდველის წარმომადგენლის - ხელშეკრულების კონტროლის (ინსპექტირების) განმახორციელებელი პირის (ჯგუფის) მიერ კონკრეტული მომსახურების გაწევის მოთხოვნის (მოთხოვნა განხორციელდება წერილობით და/ან სამსახურის განპიროვნებული ელექტრონული ფოსტით) განხორციელებიდან შემდეგ სამუშაო დღეს;
4. მომსახურების გაწევის ადგილია შემსყიდველის (საქართველოს მასშტაბით) ან მიმწოდებლის ადგილსამყოფელი, შემსყიდველთან შეთანხმებით;
5. პრეტენდენტის მიერ მომსახურების გაწევა (გარდა საბურავების შეკეთებისა) შესაძლებელია განხორციელდეს, როგორც სპეციალიზირებული სერვისცენტრ(ებ)ის საშუალებით (საჭიროების შემთხვევაში სერვის ცენტრ(ებ)ში სპეცტექნიკის გადაყვანას უზრუნველყოფს შემსყიდველი ან მიმწოდებელი მხოლოდ შემსყიდველთან შეთანხმებით), ასევე სპეცტექნიკის ლოკაციის ადგილზე.

(თანამდებობა, სახელი, გვარი)

(ხელმოწერა)

მომსახურების მიღების წესი, ანგარიშსწორების პირობები და ვადები

1. შემსყიდველის შეტყობინების საფუძველზე მიმწოდებელი ადგენს დეფექტურ აქტს (ორ ეგზემპლარად), რომელსაც ხელს აწერს მიმწოდებელი და შემსყიდველის რეგიონალური სამსახურის ტრანსპორტის უზრუნველყოფის განყოფილების თანამშრომელი - შემდგომში „პასუხისმგებელი პირი“ ან/და სპეც. ტექნიკის უზრუნველყოფის განყოფილების თანამშრომელი და სპეც. ტექნიკაზე მიმაგრებული ოპერატორი - ასეთის არსებობის შემთხვევაში.
2. შემსყიდველის წარმომადგენლის - ხელშეკრულების კონტროლის (ინსპექტირების) განმახორციელებელი პირის (ჯგუფის) მიერ კონკრეტული შეკეთების მომსახურების მოთხოვნის (მოთხოვნა განხორციელდება წერილობით და/ან სამსახურის განპიროვნებული ელექტრონული ფოსტით) განხორციელებამდე მიმწოდებელს შეუძლია მოითხოვოს ტექნიკური მომსახურების დეფექტური აქტის (შემდგომში - „დეფექტური აქტი“) შედგენისათვის გაწეულ ხარჯების ანაზღაურება.
3. შეტყობინების ფარგლებში დეფექტური აქტის შესადგენად გადაადგილების მანძილი იანგარიშება უახლოესი სპეციალიზირებული სერვისცენტრიდან (მხოლოდ ერთი მისვლის - ერთი მიმართულება).
4. შეტყობინების ფარგლებში მიმწოდებლის მიერ სპეც ტექნიკის შეკეთების მომსახურების გაწევისას, გადაადგილების მანძილი იანგარიშება უახლოესი სპეციალიზირებული სერვისცენტრიდან (მხოლოდ ერთი მისვლის - ერთი მიმართულება).
5. ხელშეკრულებით გათვალისწინებული სპეცტექნიკის, მიმწოდებლის მიერ, სპეციალიზირებულ სერვისცენტრ(ებ)ში სპეც ტექნიკის ტრანსპორტირების მანძილი იანგარიშება სპეც. ტექნიკის ლოკაციის ადგილიდან სპეციალიზირებულ სერვისცენტრის მდებარეობამდე (მხოლოდ ერთი მიმართულება).
6. ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი), შეტყობინებას სპეც. ტექნიკის გეგმიური ან/და არაგეგმიური ტექნიკური მომსახურების საჭიროების შესახებ აგზავნის (წერილობით და/ან სამსახურის განპიროვნებული ელექტრონული ფოსტით) კონტრაქტორთან.
7. პრეისკურანტში მომსახურების ან/და საქონლის არარსებობის შემთხვევაში აღნიშნულის ფასი დგინდება კომპანიისა და კონტრაქტორის შეთანხმებით საბაზრო ფასის გათვალისწინებით, ბაზრის კვლევის შედეგების საფუძველზე, იმ შემთხვევაში თუ სპეც. ტექნიკაზე არ ვრცელდება საგარანტიო მომსახურება. შეთანხმების აქტს კომპანიის მხრიდან ხელს აწერს ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი).
8. მიმწოდებლის მიერ შედგენილ ინვოისში პრეისკურანტში არ არსებული მომსახურების ან/და საქონლის შემოთავაზებული ფასი ძალაშია არანაკლებ 3 თვე, ინვოისის შედგენის თარიღიდან“.
9. მიმწოდებელმა შემსყიდველისგან მიღებული შეტყობინების საფუძველზე არაუგვიანეს 15 სამუშაო დღის ვადაში შემსყიდველს უნდა წარუდგინოს შესაბამისი ინვოისი (გარდა საბურავებთან დაკავშირებული მომსახურების შესყიდვისა, აღნიშნული რეგულირდება ამ ხელშეკრულების N2 დანართის მე-2 პუნქტის ცხრილის მე- 4. პუნქტით).
10. სპეც. ტექნიკის რემონტის დასრულების შემდეგ დგება ფაქტიურად შესრულებული სამუშაოების აქტი (ორ ეგზემპლარად), რომელსაც ხელს აწერს კონტრაქტორის წარმომადგენელი, პასუხისმგებელი პირი ან/და სპეც. ტექნიკის უზრუნველყოფის განყოფილების თანამშრომელი და სპეც. ტექნიკაზე მიმაგრებული ოპერატორი (ასეთის არსებობის შემთხვევაში).
11. ფაქტიურად შესრულებული სამუშაოების აქტის გაფორმებამდე მიმწოდებელი ვალდებულია სპეც ტექნიკის შეკეთებისას შეცვლილი მასალები (აგრეგატები, დეტალები, ცვეთადი მასალები, საბურავები და ყველა ტიპის ზეთი) გადასცეს პასუხისმგებელ პირს/ოპერატორს, წინააღმდეგ შემთხვევაში პასუხისმგებელი პირი/ოპერატორი ვალდებულია არ გააფორმოს მიმწოდებელთან ფაქტიურად შესრულებული სამუშაოების აქტი.
12. ფაქტიურად შესრულებული სამუშაოების აქტის საფუძველზე შემსყიდველსა და მიმწოდებელს შორის დგება მიღება-ჩაბარების აქტი. მიღება-ჩაბარების აქტს, კომპანიის მხრიდან, ხელს აწერს ხელშეკრულების შესრულების კონტროლის (ინსპექტირების) განმახორციელებელი პირი (ჯგუფი).
13. ამ დანართის პირველი მუხლიდან მე-5 მუხლის ჩათვლით გათვალისწინებული მოთხოვნები არ ეხება საბურავების დაზიანების აღმოფხვრისათვის საჭირო მომსახურების გაწევას. ამ შემთხვევაში მიმწოდებელი შემსყიდველს გადასცემს დეფექტურ აქტსა და ინვოისს საბურავის მოწოდებისთანავე.
14. ანგარიშსწორება განხორციელდება უნაღდო ანგარიშსწორების ფორმით.
15. ანგარიშსწორება განხორციელდება ეტაპობრივად, გაწეული მომსახურების შესაბამისად გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მის მიერ წარმოდგენილი უნდა იქნეს ცნობა საგადასახადო ინსპექციიდან დღგ-ს არგადამხდელის შესახებ) წარდგენის საფუძველზე, 10 სამუშაო დღეში.

ტექნიკური პირობები და საგარანტიო ვადები

1. სპეც. ტექნიკის სარემონტო სამუშაოებისას გამოყენებული ყველა მასალა უნდა იყოს ექსპლუატაციაში არმყოფი, ქარხნული წესით დამზადებული და უნდა შეესაბამებოდეს ამ სატრანსპორტო საშუალებისათვის დადგენილ სტანდარტებსა და ნორმებს.
2. შემსყიდველი უფლებამოსილია, მომსახურებისას გამოსაყენებელ/გამოყენებულ საცხებ-საპოხ მასალებს ჩაუტაროს ლაბორატორიული კვლევა სათანადო სტანდარტებთან მათი შესაბამისობის შესახებ. შემსყიდველის წარმომადგენ(ლები)ელი უფლებამოსილ(ნი) არი(ან)ს აილ(ნი)ს საჭირო რაოდენობის სინჯ(ებ)ი მიმწოდებლის წინასწარი გაფრთხილების გარეშე.
3. სათანადო ნაწილების შეცვლისა და მომსახურების გაწევის აუცილებლობის დადგენის მიზნით, შემსყიდველი უფლებამოსილია, ხელშეკრულების მიმდინარეობის ნებისმიერ ეტაპზე, გადაამოწმოს მიმწოდებლის მიერ შედგენილი დეფექტური აქტის სისწორე ავტორიზირებული ან მხარეთა შეთანხმებით სხვა სერვისცენტრის საშუალებით.
4. პრეტენდენტის მიერ წარმოდგენილი ერთეულის ფასები (როგორც საქონელზე ასევე მომსახურებაზე) არ უნდა აღემატებოდეს, შემსყიდველის მიერ პრეისკურანტის ცხრილებში მითითებულ სავარაუდო ღირებულებებს (პრეისკურანტში მითითებული აღნიშვნა *, ნიშნავს ღირებულება 0-ს).
5. იმ შემთხვევაში, თუ აღმოჩნდება, რომ პრეტენდენტი პრეისკურანტიდან ამოიღებს რომელიმე პოზიციას, განხორციელდება მისი დისკვალიფიკაცია, ხოლო უკვე გაფორმებულ ხელშეკრულებაზე ასეთის აღმოჩენის შემთხვევაში პრეტენდენტს დაეკისრება პირგასამტეხლო 1'000 ლარის ოდენობით თითოეულ შემთხვევაზე, რომელიც გამოექვითება პრეტენდენტს გადასარიცხი თანხიდან.
6. ხელშეკრულების მიმდინარეობის პერიოდში პრეისკურანტში მომსახურების ან/და საქონლის არარსებობის შემთხვევაში აღნიშნულის ერთეულის ფასი, მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. რომელიც შემდგომში იქნება უნიფიცირებული, ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
7. „დეტალის შეცვლა და/ან კონკრეტული მომსახურების გაწევა გულისხმობს არსებული დეტალის შეცვლას ახლით და/ან კონკრეტული მომსახურების გაწევას და ამისათვის საჭირო ყველა მომსახურებას განხორციელებას (მაგალითად, სხვა დეტალის მოხსნა-დაყენებას და ა.შ. რაც დეტალურად უნდა აისახოს გაფორმებულ მიღება-ჩაბარების აქტში).“

საგარანტიო ვადები:

აგრეგატები - 12 თვე.

დეტალები - 6 თვე.

ცვეთადი მასალა - 3 თვე

შეკეთებულ საბურავზე - 1 თვე

(თანამდებობა, სახელი, გვარი)

(ხელმოწერა)

ვულკანიზაციებისა და სერვისცენტრების ლოკაციის ადგილები

N	ვულკანიზაციის მდებარეობის სრული მისამართი	ვულკანიზაციის რაოდენობა	საკუთრების ფორმა
1			
2			
3			
4			
5			
6			
7			
8			
9			
10			
N	სერვისცენტრი მდებარეობის სრული მისამართი	სერვისცენტრის რაოდენობა	საკუთრების ფორმა
1			
2			

(თანამდებობა, სახელი, გვარი)

(ხელმოწერა)

ხელშეკრულების დამდები მხარეები და შესყიდვის ობიექტი

ერთის მხრივ, შპს "საქართველოს მელიორაცია" (მის: ქ. თბილისი, მარშალ გელოვანის გამზ. #6), წარმოდგენილი - მისი გენერალური დირექტორის არჩილ ზუკიას სახით (შემდგომში "შემსყიდველი")

და მეორეს მხრივ,

_____ (იურიდიული მის: ქ. თბილისი, _____) წარმოდგენილი - მისი _____

სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგზე:

_____ მოთხოვნათა შესაბამისად, შემსყიდველმა გამოაცხადა შესყიდვის ელექტრონული პროცედურა _____ შესყიდვაზე, რომელშიც, კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: _____ (_____) ლარი (შემდგომში "ხელშეკრულების ღირებულება")

1. ტერმინთა განმარტებები

- 1.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას;
- 1.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ შესყიდვის ელექტრონულ პროცედურაში GEO _____)
- 1.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2,2 პუნქტში მითითებული ტენდერისათვის, წარმოდგენილი, ყველა დოკუმენტით, კერძოდ:
 - 1.3.1. პრეისკურანტი (დანართი №1).
 - 1.3.2. მომსახურების გაწევის ვადები და ადგილი (დანართი №2).
 - 1.3.3. მომსახურების მიღების წესი, ანგარიშსწორების პირობები და ვადები (დანართი №3).
 - 1.3.4. ტექნიკური პირობები და საგარანტიო ვადები (დანართი №4).
 - 1.3.5. ვულკანიზაციებისა და სერვისცენტრების ლოკაციის ადგილები (დანართი №5).
- 1.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის;
- 1.5. "დღე", "კვირა", "თვე" ნიშნავს კალენდარულ დღეს, კვირას, თვეს.

2. ხელშეკრულების საგანი

- 2.1. ხელშეკრულების საფუძველზე მიმწოდებელი კისრულობს ვალდებულებას, გაუწიოს შემსყიდველს _____, (შემდგომში "მომსახურება"), ხოლო შემსყიდველი კისრულობს ვალდებულებას, მიიღოს მოთხოვნილი მომსახურება და გადაიხადოს მისი ღირებულება ხელშეკრულებით გათვალისწინებული წესით.
- 2.2. შესყიდვის ობიექტის სპეც წესის მომსახურების კოდი: _____.
- 2.3. გასაწევი მომსახურების დასახელება, განზომილება, რაოდენობა და ერთეულის ფასი განისაზღვრება მომსახურების პრეისკურანტის შესაბამისად (დანართი №1).
- 2.4. ხელშეკრულების მიმდინარეობის პერიოდში პრეისკურანტში მომსახურების ან/და საქონლის არარსებობის შემთხვევაში აღნიშნულის ერთეულის ფასი, მისი შესყიდვის აუცილებლობისას, დგინდება შემსყიდველი ორგანიზაციისა და მიმწოდებლის შეთანხმებით საბაზრო ფასის გათვალისწინებით. რომელიც შემდგომში იქნება უნიფიცირებული, ასეთ შემთხვევაში პრეისკურანტში შესაბამისი მომსახურების ერთეულის არარსებობით გამოწვეული შესყიდვის ხვედრითი წილი არ შეიძლება აღემატებოდეს მიმწოდებლის მიერ ელექტრონული ვაჭრობის შედეგად დაფიქსირებული პრეისკურანტის საბოლოო ჯამური ღირებულების 10%-ს.
- 2.5. მიმწოდებლის მიერ შედგენილ ინვოისში პრეისკურანტში არ არსებული მომსახურების ან/და საქონლის შემოთავაზებული ფასი ძალაშია არანაკლებ 3 თვე, ინვოისის შედგენის თარიღიდან".
- 2.6. საქონლის/მომსახურების მიწოდების მოთხოვნის არარსებობის შემთხვევაში საქონლის/მომსახურების მიწოდებისა და ანგარიშსწორების ვალდებულება არ წარმოიშვება.
- 2.7. მიმწოდებელი საქონლის/მომსახურების მიწოდებას განახორციელებს ხელშეკრულებაზე თანდართული პრეისკურანტების შესაბამისად. დაუშვებელია ხელშეკრულებაზე თანდართულ პრეისკურანტებში მითითებული საქონლის/მომსახურების ფასების გაზრდა.

3. ხელშეკრულების შესრულების კონტროლი

- 3.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 3.2. შემსყიდველის მხრიდან ხელშეკრულების შესრულების კონტროლს ახორციელებენ: _____ (შემდგომში "ინსპექტორები ჯგუფი")
- 3.3. ინსპექტორების ჯგუფის ფუნქციებია:
 - 3.3.1. გაუწიოს კონტროლი ხელშეკრულებით გათვალისწინებული გასაწევი მომსახურების ვადების დაცვას;
 - 3.3.2. დაადგინოს გაწეული მომსახურების შესაბამისობა ხელშეკრულებით გათვალისწინებულ მოთხოვნებთან;
 - 3.3.3. გააფორმოს მიღება-ჩაბარების აქტი მიმწოდებელთან და უზრუნველყოს გაწეული მომსახურების მიღება.

4. მომსახურების გაწევის ვადები და ადგილი

მიმწოდებელი ვალდებულია, მომსახურების გაწევა განახორციელოს მომსახურების გაწევის ვადებისა და ადგილის შესაბამისად (დანართი №2).

5. მომსახურების დეფექტური აქტის და მიღება-ჩაბარების წესი

- 5.1. მიმწოდებლის მიერ შესრულებული სამუშაო ჩაითვლება მიღებულად მიღება-ჩაბარების აქტის გაფორმების საფუძველზე.
- 5.2. მიღება-ჩაბარების აქტის გაფორმებისათვის, მიმწოდებელი ვალდებულია წარმოუდგინოს შემსყიდველს ამ ხელშეკრულების დანართი N3-ით გათვალისწინებული ყველა დოკუმენტის დედანი (დეფექტური აქტი, ინვოისი, შეთანხმების აქტი - ასეთის არსებობის შემთხვევაში და ფაქტიურად შესრულებული სამუშაოების აქტი) და საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 5.3. მიღება-ჩაბარების აქტი დგება მომსახურების (ან მისი ნაწილის) ყოველი მიწოდების დასრულების შემდეგ.
- 5.4. მომსახურების მიღება და საბოლოო შემოწმება ხდება მომსახურების გაწევის ადგილზე.
- 5.5. მომსახურების (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

6. ანგარიშსწორების პირობები და ვადები

- 6.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად გაწეული მომსახურების მოცულობის შესაბამისად, მიმწოდებლის საბანკო რეკვიზიტებზე;
- 6.2. ანგარიშსწორება განხორციელდება ანგარიშსწორების პირობებისა და ვადების შესაბამისად (დანართი №3).
- 6.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების 9.3 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 6.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

7. საგარანტიო პირობები და ვადები

- 7.1. მიმწოდებელი იძლევა გარანტიას, რომ გაწეული მომსახურება იქნება ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება მომსახურების გაწევის ტექნიკურ პირობებს (დანართი №4).
- 7.2. მიმწოდებელი იძლევა გარანტიას გაწეულ მომსახურებაზე, ტექნიკური პირობისა და საგარანტიო ვადების შესაბამისად (დანართი №4).
- 7.3. მიმწოდებელი ვალდებულია გონივრულ ვადაში (თუ დანართი №4-ით კონკრეტული ვადა არ არის გათვალისწინებული) განახორციელოს წარმოქმნილი დეფექტის გამოსწორება შემსყიდველის მხრიდან რაიმე დამატებითი დანახარჯის გაწევის გარეშე.
- 7.4. მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

8. ხელშეკრულების შეწყვეტა

- 8.1. ხელშეკრულება შეიძლება შეწყდეს:
 - 8.1.1. მხარეთა წერილობითი შეთანხმებით;
 - 8.1.2. ხელშეკრულების ვადის გასვლის გამო;
 - 8.1.3. 8.2 და 8.3 პუნქტით გათვალისწინებულ შემთხვევებში.
- 8.2. შემსყიდველი უფლებამოსილია, საწარმოო აუცილებლობიდან გამომდინარე, ცალმხრივად (მოთიანად ან ნაწილობრივ შეწყვიტოს ხელშეკრულება, თუ:
 - 8.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
 - 8.2.2. მიმწოდებელი სისტემატიურად ან/და უხეშად არღვევს ხელშეკრულების პირობებს;
 - 8.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული მომსახურების გაწევას.
 - 8.2.4. მიმწოდებლის გაკოტრების შემთხვევაში;
 - 8.2.5. შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება;
- 8.3. ხელშეკრულება ჩაითვლება ავტომატურად შეწყვეტილად, თუ 9.3 პუნქტის შესაბამისად დაკისრებულმა და მიმწოდებლის მხრიდან აუნაზღაურებელმა პირგასამტეხლოს ჯამურმა თანხამ, გადააჭარბა საბანკო გარანტიით განსაზღვრული თანხის 95 პროცენტს.

9. მხარეთა პასუხისმგებლობა

- 9.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 9.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.02 პროცენტი ყოველი ვადაგადაცილებული დღისათვის.
- 9.3. მიმწოდებელი კისრულობს პასუხისმგებლობას მომსახურების გაწევის, ასევე ინვოისის წარმოდგენის ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გასაწევი მომსახურების ღირებულების (ინვოისის დაგვიანებით წარმოდგენის შემთხვევაში - ინვოისის ღირებულების) 0.02 პროცენტი ყოველი ვადაგადაცილებული დღისათვის;
- 9.4. მიმწოდებელი კისრულობს პასუხისმგებლობას ხელშეკრულების პირობების შეუსრულებლობისთვის, პირგასამტეხლოს სახით შემსყიდველს გადაუხადოს ხელშეკრულების საერთო ღირებულების 20 პროცენტის ოდენობით;
- 9.5. მიმწოდებელი კისრულობს პასუხისმგებლობას ხელშეკრულების ნაწილობრივ შესრულების შემთხვევაში, პირგასამტეხლოს სახით შემსყიდველს გადაუხადოს შესასრულებელი (დარჩენილი) ვალდებულებები შესაბამისი ღირებულების 20 პროცენტის ოდენობით;
- 9.6. ხელშეკრულების 12.3 პუნქტის თანახმად, შემსყიდველის მიერ საბანკო გარანტიის თანხის (გარანტიისაგან) მოთხოვნის შემთხვევაში, მიმწოდებელი თავისუფლდება 9.3 პუნქტით გათვალისწინებული პირგასამტეხლოსაგან, გარდა ხელშეკრულების 6.3 პუნქტის თანახმად უკვე გამოქვითული პირგასამტეხლოს თანხისა, რომელიც უკან დაბრუნებას არ ექვემდებარება.
- 9.7. მხარეები თავისუფლდებიან პასუხისმგებლობისაგან:
 - 9.7.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშემშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით.

- 9.7.2.** ის მხარე, რომელიც ხელშეკრულების 9.7.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამოძევევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს.
- 9.7.3.** ხელშეკრულების 9.7.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახდონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

10. ფორს-მაჟორი

- 10.1.** ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას და მიმწოდებლისათვის ხელშეკრულების შესრულების საბანკო გარანტიის დაუბრუნებლობას.
- 10.2.** ამ მუხლის მიზნებისათვის “ფორს-მაჟორი” ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 10.3.** ფორს-მაჟორული გარემოებების დადგომის შემთხვევაში ხელშეკრულების დამდგმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოწახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

11. სადაო საკითხების გადაწყვეტა

- 11.1.** *მხარეთა შორის წარმოშობილი სადაო საკითხები უნდა გადაწყდეს მხარეთა შეთანხმებით. შეთანხმებლობის შემთხვევაში ნებისმიერ მხარეს შეუძლია მიმართოს სასამართლოს, საქართველოს კანონდებლობით დადგენილი წესით.*

12. ხელშეკრულების შესრულების საბანკო გარანტია

- 12.1.** ხელშეკრულებაში მოყვანილია მიმწოდებლის მხრიდან ხელშეკრულების შესრულების საბანკო გარანტია მთლიანი სახელშეკრულებო თანხის 5 (ხუთი) პროცენტის ოდენობით, რომლის ვადა 30 (ოცდაათი) დღით აღემატება ხელშეკრულების მოქმედების ვადას.
- 12.2.** შემსყიდველის მიერ აღნიშნული საბანკო გარანტიის მოქმედების ვადა დაბრუნების პირობები მოცემულია ხელშეკრულების 12.3 და 12.4 პუნქტებში.
- 12.3.** შემსყიდველი უფლებამოსილია საბანკო გარანტიის მოქმედების ვადაში მიმართოს გარანტს და მოითხოვოს საბანკო გარანტიით განსაზღვრული თანხის გადახდა თუ:
- 12.3.1.** ხელშეკრულება შეწყდა 8.2 ან 8.3 პუნქტების შესაბამისად;
- 12.3.2.** ხელშეკრულების მოქმედების ვადის განმავლობაში მიმწოდებელმა ვერ უზრუნველყო ხელშეკრულებით გათვალისწინებული მომსახურების სრულად გაწევა.
- 12.4.** საბანკო გარანტია მიმწოდებელს დაუბრუნდება:
- 12.4.1.** მიმწოდებლის მიერ ხელშეკრულებით ნაკისრი ვალდებულებების სრულად შესრულებისას;
- 12.4.2.** ხელშეკრულების 9.7.1 პუნქტით გათვალისწინებულ შემთხვევებში ხელშეკრულების ვადად შეწყვეტისას.

13. ხელშეკრულებაში ცვლილებების შეტანა

- 13.1.** ხელშეკრულების დამდგმ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 13.2.** დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 13.3.** საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია თავდაპირველად დადებული ხელშეკრულების ღირებულების 10%-ზე მეტი ოდენობით გაზრდა.
- 13.4.** ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

14. ხელშეკრულების სხვა პირობები

- 14.1.** ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი;

15. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 20__ წლის _____ ჩათვლით.

16. მხარეთა იურიდიული მისამართები და საბანკო რეკვიზიტები

შპს „საქართველოს მელორაცია“

მის: თბილისი, გ. გულუას ქ. N6

ტელ: (995 32) 2 480100.

სს თიბისი ბანკი

ა/ა GE42TB7484736020100003; ბანკის კოდი: TBCBGE22

საიდენტიფიკაციო კოდი: 204524568

“მიმწოდებელი”

მის: _____

ტელ: (995 32) _____.

ა/ა _____; ბანკის კოდი: _____

საიდენტიფიკაციო კოდი: _ _____